

植物名實圖考長編

三十五

植物名實圖考長編卷之二十

固始吳其濬著

蒙自陸應穀校刊

木類

吳茱萸

山茱萸

秦椒

蜀椒

崖椒

衛矛

梔子

枳實

枳殼

棟

桐 附陳翥桐譜

梓

柳

欒華

藥實



吳茱萸

本草經吳茱萸味辛溫主溫中下氣止痛欬逆寒熱除濕血痺逐風邪開腠理根殺三蟲一名藪

爾雅椒櫟醜茱註茱萸子聚生成房貌今江東亦呼茱萸似茱萸而小赤色

別錄大熱有小毒主去痰冷腹內絞痛諸冷食不消中惡心腹痛逆氣利五臟根白皮殺蟻蟲治喉痺欬逆止洩注食不消女子經產餘血療白癰生上谷川谷及冤句九月九日採陰乾隱居云禮記名藪而俗中呼爲藪子當是不識藪字似藪字仍以

相傳其根南行東行者爲勝道家去三尸方亦用之

唐本草註爾雅釋木云椒櫟醜棗陸氏草木疏云椒櫟屬亦有
櫟名陶誤也

圖經吳茱萸生上谷川谷及冤句今處處有之江浙蜀漢尤多
木高丈餘皮青綠色葉似椿而闊厚紫色三月開花紅紫色七
月八月結實似椒子嫩時微黃至成熟則深紫九月九日採陰
乾風土記曰俗尙九月九日謂爲上九茱萸到此日氣烈熟色
赤可折其房以插頭云辟惡氣禦冬又續齊諧記曰汝南桓景
隨費長房學長房謂曰九月九日汝家有災厄宜令急去家各

作絳囊盛茱萸以繫臂上登高飲菊花酒此禍可消景如言舉
家登高山夕還見雞犬牛羊一時暴死長房聞之曰此代之矣
故世人每至此日登高飲酒戴茱萸囊由此耳世傳茱萸氣好
上言其衝膈不可爲服食之藥也張仲景治嘔而胸滿者茱萸
湯主之吳茱萸一升棗二十枚生薑一大兩人參一兩以水五
升煎取三升

其南行枝主大小便卒關格不通取之斷度如手第二指中節
含之立下出姚僧坦方根亦入藥用刪繁方療脾勞熱有白蟲
在脾中爲病令人好嘔者取東行茱萸根大者一只大麻子八

升橘皮二兩凡三物吟咀以酒一斗浸一宿微火上薄煖之三
下絞去滓平旦空腹服一升取盡蟲便下出或死或半爛或下
黃汁凡作藥法禁聲勿語道作藥蟲便不驗

游宦紀聞沙隨先生在泰興時有乳嫗因食冷肉心脾發痛不
可堪忍知縣錢仁老名壽之以藥與之一服痛止再服卽無他
其藥以陳菜萸五六粒水一大盞煎取汁去滓入官局平胃散
三錢再煎熱服錢云高宗嘗以賜近臣時有歸正官校尉添差
縣尉後歸昌國亦多愈人疾真奇方也

本草綱目李時珍曰菜萸枝柔而肥葉長而皺其實結於梢頭

纍纍成簇而無核與椒不同一種粒大一種粒小小者入藥爲勝

又曰茱萸辛熱能散能溫苦熱能燥能堅故其所治之症皆取其散寒溫中燥濕解鬱之功而已按朱氏集驗方云中丞常子正苦痰飲每食飽或陰晴節變率同十日一發頭疼背寒嘔吐酸汁卽數日伏枕不食服藥罔效宣和初爲順昌司祿于太守蔡達道席上得吳仙丹方服之遂不再作每遇飲食過多腹滿服五七十九丸便已少頃小便作茱萸氣酒飲皆隨小水而去前後痰藥甚衆無及此者用吳茱萸湯泡七次茯苓等分爲末煉

蜜丸梧子大每熟水下五十九梅楊卿方只用茱萸酒浸三宿以茯苓末拌之日乾每吞百粒溫酒下又咽喉口舌生瘡者以茱萸末醋調貼兩足心移夜便愈其性雖熱而能引熱下行蓋亦從治之義而謂茱萸之性上行不下者侶不然也有人治小兒痘瘡口噤者齧茱萸一二粒抹之卽開亦取其辛散耳

廣雅疏證梔檉欖越柿茱萸也陸羽茶經引凡將篇云菖蒲芒消莞椒茱萸則茱萸可以入藥也急就篇云芸蒜薺芥茱萸香則又可以供食也藝文類聚引洞林云子如小鈴含元珠案文書之是茱萸則其形狀也諸書無以梔爲茱萸者梔當讀爲樛

樛蔓椒也神農本草云蔓椒一名豕椒生雲中山谷名醫別錄云一名豬椒一名豕椒一名狗椒陶注云一名豨椒山野處處有俗呼爲樛似椒薰小不香爾薰與樛同云似椒樛則卽茱萸之屬也樛證類本草音居蚪切梔廣韻音居六切古音正同耳檄亦茱萸之屬也楚詞離騷云椒專佞以慢慝兮檄又欲充夫佩褱王注云檄茱萸也似椒而非也檄子皆房生爾雅云椒檄醜菜唐風椒聊篇正義引李巡注云檄茱萸也椒茱萸皆有房故曰棣棣實也郭璞注云茱萸子聚生成房貌今江東亦呼茱檄似茱萸而小赤色說文云檄似茱萸出淮南又云茱椒檄實

裹如裘者然則櫟與茱萸一種小異稱名之例可以互通耳櫟一名藟說文作藟云煎茱萸也漢律會稽獻藟一斗內則云三牲用藟鄭注亦云藟煎茱萸也漢律會稽獻焉爾雅謂之櫟賀氏疏云煎茱萸今蜀郡作之九月九日取茱萸折其枝連其實廣長四五寸一升實可和十升膏名之藟也案鄭云爾雅謂之櫟則未煎時已名爲藟神農本草云吳茱萸一名藟是也櫟又作藟南都賦云蘇藟紫薑拂徹羶腥字形與藟相近而陶氏本草注乃謂俗中呼藟子者爲不識藟字宜唐本注以爲誤也玉篇云櫟茱萸類也御覽引風土記云三香椒櫟薑也又引朱春

秋云義熙八年太社欂櫨樹生於壇側陳藏器本草拾遺云欂櫨子
味辛辣如椒木高大莖有刺蘇頌圖經云蘘子出閩中江東其
本似檮莖有刺子辛辣如椒南人淹藏以作果品或以寄遠蓋
其氣馨香中食故人多重之也越栳之名未見所出春秋時楚
有鬬越椒字伯棼又字子越棼與芬通越者言其香之散越也
荀子禮論云椒蘭芬苾高唐賦云越香掩掩上林賦云衆香發
越茱萸之名越椒或卽此義與椒亦芬香之名也陳風東門之
枌篇傳云椒芬香也周頌載芣篇云有椒其馨

說文解字注檄似茱萸出淮南釋木茱萸醜茱郭云茱萸子聚

生成房兒檄似茱萸而小赤色內則注曰藪煎茱萸也漢律會稽獻焉爾雅謂之檄按鄭云藪卽檄許於艸部有茱萸有藪此云似與鄭說小異本艸經木部云吳茱萸一名藪是則一物異名亦不待煎成始爲藪也從木茱萸藪字在艸部檄字在木部故許不云一物然茱萸在本艸經木部茱從艸而爾雅在釋木則從艸從木一也殺聲所八切十五部

文茱萸萸

逗

茱屬內則三牲用藪注藪煎茱萸也漢律會稽獻

焉爾雅謂之檄本艸經吳茱萸味辛溫一名藪从艸本艸經廣雅入木類鄭君曰茱萸卽檄也而爾雅椒檄在釋木許君則茱

萑與檉爲二物木部曰揚州有茱萸樹正以見茱萸之本爲草類也朱聲市朱切古音在四部萑茱萸也从艸與聲羊朱切古音在四部茱萸茱也此三字句茱萸蓋古語猶詩之椒聊也單呼曰茱萸呼曰茱萸茱聊唐風椒聊之實毛曰椒聊椒也釋木曰椒檉醜茱萸大椒神農本草經有蜀椒又有秦椒从艸爾雅本艸陸疏皆入木類今驗實木也而說文正从艸此沿自古籀者凡析言有艸木之分統言則艸亦木也故造字有不拘爾未聲子寮切古音在三部茱萸實裏如裘也依爾雅音義正誤裘茱同音也郭云茱萸子聚生成房兒詩箋作捋釋木櫟其實

楸皆卽萊字也从艸求聲巨鳩切三部求卽表之古文亦會意也

山茱萸

本草經山茱萸味酸平主心下邪氣寒熱溫中逐寒濕痺去三蟲久服輕身一名蜀棗

別錄微溫無毒主腸胃風邪寒熱疝瘕頭風風氣去來鼻塞目黃耳聾面皴溫中下氣出汗強陰益精安五臟通九竅止小便利久服明目強力長年一名雞足一名魁實生漢中山谷及瑯琊冤句東海承縣九月十月採實陰乾陶隱居云近道諸山中大樹子初熟未乾赤色如胡頹子亦可噉旣乾皮甚薄當以合核爲用爾

圖經山茱萸生漢中山谷及瑯琊冤句東海承縣今海州亦有之木高丈餘葉似榆花白子初熟未乾赤色似胡頹子有核亦可噉既乾皮甚薄九月十月採實陰乾吳普云一名鼠矢葉如梅有刺毛二月花如杏四月實如酸棗赤五月採實與此小異也舊說當合核爲用而雷斅炮炙論云每一斤去核取肉皮用只秤成四兩半其核八棱者名雀兒蘇別是一物不可用也本草衍義山茱萸與吳茱萸甚不相類山茱萸色紅大如枸橀子吳茱萸如川椒初結子時其大小亦不過椒色正青得名則一治療又不同未審當日何緣如此命名然山茱萸補養腎藏